

018.88

2343

東西京諸家觀書記

書潛自署



藏園東游別錄序

昔鄰蘇老人隨軺江戶究心經籍由是訪書之志留眞之譜作焉其後澠江島田嗣有撰述博辨廣蒐咸矜創獲流傳中國咸得寓觀因知滄瀛咫尺古籍多存目想神游卅年於茲矣近以蕭辰清暇乘興東游碧嶂丹林致饒勝賞更於其間荷雅故之招延窺琳瑯之珍異自祕閣官邸以逮世家儒門僧寮冷肆俱獲討尋疏於短冊雖蓬萊道山未遑遍及而隊編散簡幸得罔羅嘗鼎飲河差爲鑒足迴駕燕京會迫歲暮交好聞知踵門垂問扶桑舊侶馳箋交督迺排比積囊稽鏡前聞略事區分躬自寫定第經眼之始迫於暑刻手記多涉疏簡回省復苦微茫於是手記所不盡者則攷諸羣目以證之回省有未晰者則質諸典守以明之適有張君菊生董君綬金先後訪書見詒筆錄因復撮彼所詳補余所略凡口線邊闌刊工字數卷葉完缺尺幅高廣藉有助證咸著於編偶有異同輒附管見倉卒告成慚於問世刊誤糾謬俾免纍疑大雅宏達庶不余棄嗟夫玉堂寶書邈然天上娜嬛福地猶在人間視彼守護之勤滋我散亡之懼所幸此邦人士通懷樂善孤本佚帙咸付寫眞古槧唐鈔時假錄副實祛障籠之鄙詎匪投紼之懽夫文章公器天壤所珍王道大同遠近若一在宋夷使求書東坡抗議謂使中國書籍山積高麗雲布契丹茲事於國未爲穩便斯則鎖關之見未知通譯之宏且當時方以闌干出物爲虞至後世轉以禮失求野爲幸昔人謂自宋歐陽氏信日本古文之說而後之託安國孝經以暨毛漸三墳豐坊魯詩相繼而出又坊造作古本尙書謂其曾祖得之譯館使際此交親之世甯敢肆悠謬之談乎余茲行也携兒應客經秋涉冬期訪朝衡奮然之流匪抱陳農苗發之願而軒航所戾寶刻紛陳緣茲妮古之懽彌認同文之誼忘機鷗鳥詫有奇緣相喻螽蟬搏茲老學雖粗記所得不無挂一漏萬之譏而按籍以稽或資舉一反三之益區區之微尙冀中外同志咸諒察焉庚午二月藏園居士傅增湘序

東西京諸家觀書記目錄

前田侯爵尊經閣藏書

內藤博士藏書

狩野博士藏書

內野氏藏書

東洋文庫藏書

惠福寺藏書

前田侯爵尊經閣藏書

世說新語三卷

宋刊本半葉十行每行二十字間有多至二十三字者注雙行同白口左右雙闌版心中記世說幾下記刊工姓名有方通楊明宋道楊思江泉方達劉寶諸人避宋諱至構字止慎字不避字仿歐陽體方整古雅是杭本風範每卷次行題宋臨川王義慶撰三行題梁劉孝標注均下空四格四行低四格標每類題目後附叙錄一卷下題汪藻二字次考異一卷次人名譜一卷次書名一卷書名今已佚茲將譜中所列二十六家詳錄于左其式自一世以至十餘世皆列表橫排頗便觀覽

太原晉陽王氏譜 六葉

琅邪臨沂王氏譜 十九葉

陳國陽夏謝氏譜 八葉

泰山南城羊氏譜 四葉

潁川鄆陵庾氏譜 五葉

潁川潁陰荀氏譜 六葉

陳郡陽夏袁氏譜 六葉

河南陽翟褚氏譜 四葉

河東聞喜裴氏譜 四葉

陳郡長平殷氏譜 四葉

會稽山陰孔氏譜 四葉

SWT/560/13

陳留圉江氏譜 四葉

吳郡陸氏譜 五葉

弘農華陰楊氏譜 三葉

陳留考城蔡氏譜 三葉

譙國龍亢栢氏譜 六葉

南鄉舞陰范氏譜 二葉

廬江何氏譜 二葉

潁川許昌陳氏譜 三葉

太原中都孫氏譜 二葉

河東安邑衛氏譜 二葉

會稽山陰賀氏譜 二葉

高平金鄉鄒氏譜 二葉

北地傅氏譜 三葉

吳國吳郡顧氏譜 五葉

陳留尉氏阮氏譜 三葉

此後又列無譜者二十六族 三葉

收藏有睢陽王氏朱文大印審其印式當是元以前人又有金澤文庫正書墨印

按此本與圖書寮所藏相同第彼本斷爛漫滅處甚多不及此本之精湛且叙錄考異人名譜各卷爲寮本所無則尤足珍也

重廣會史一百卷目錄一卷

北宋刊巾箱本半葉十五行每行二十至二十六字不等白口左右雙闌版心記史幾下記葉數無字數及刊
工人名標題占雙行注雙行小字五當大字四版式高四寸九分寬三寸九分
左書每卷有目連正文每類先引荀老莊諸子次引史記以迄新唐書雖名爲史實類書也各卷有朱印文如

高麗國十四葉辛巳歲

藏書大宋建中靖國

元年大遼乾統元年

別有經筵朱文印封面印籤均爲高麗舊式

此書日本育德財團已影印行世曾蒙惠贈全帙茲以原本比較紙漬墨痕及裝訂古式惟妙惟肖毫釐不爽
藝術之精令人歎絕

冲虛至德真經八卷

宋刊本半葉十行每行十九字注雙行二十三字細黑口左右雙闌左闌外有耳記篇名末葉耳在右闌外版式高六
寸寬四寸三分

本書首行題書名次行低二格題列子又空四格題張湛處度注下空四字三行低二格題篇名字體方峭是
建本正宗避諱慎字止廓字不避乃光宗時刊本

周易程朱傳義十五卷附錄繫辭二卷

元刊本半葉十二行每行二十二字注同黑口左右雙闌前有董楷自序十行十九字凡例後有牌子如下式

至正己丑廬陵

竹坪書堂新刊

詩傳通釋二十卷 元劉瑾撰

元刊本半葉十二行每行二十一字注大字二十三字夾注小字同黑口四周雙闌卷一後有牌子如下式

至正壬辰仲春

日新書堂刻梓

春秋胡氏傳纂疏三十卷

題新安汪克寬學元刊本半葉十一行每行二十一字注雙行同黑口四周雙闌凡例後有牌子如下式

建安劉叔簡

栞于日新堂

卷首先自序次先儒格言次姓氏次春秋胡氏傳序次胡氏春秋總論

分類補註李太白詩二十五卷

元刊本半葉十二行每行二十字計雙行二十六字黑口四周雙闌目錄後有牌子如下式

建安余氏
勤有堂刊 篆書

卷二十五後有至大庚戌刊于勤有書堂一行

此書傳世尙多南北所見數矣余家亦藏一帙然率皆晚印字畫模糊此本初印精湛墨色濃厚生平所未見也

增廣音註唐許郢州丁卯詩集上下卷

元刊本半葉十二行每行二十一字黑口四周雙闌前有大德丁未仲春朔金華王塘希古序後附陸游題丁卯橋詩一首

此與圖書寮藏本同故不詳記

以上皆前田侯爵尊經閣所藏聞尙有宋刊本春秋左氏音義賓退錄因新移府邸未得遍觀也

內藤湖南博士家藏書

唐寫說文

唐人寫說文卷子凡六紙九十四行存本部相字起揭字止一百八十八字硬黃紙堅韌似燉皇經卷篆法絕精楷書亦美有米友仁跋十八字寶慶初年俞松妝池題記并曾文正公莫友芝題詩及劉毓崧張文虎方宗誠莫氏父子跋語莫氏曾摹刊行世家有其書不復具錄

按此卷歸莫氏後其孫經農觀察流寓維揚尙能守護勿失其歸國齋也當在光緒季年督兩江時鼎革後爲景樸孫所得秘不示人余屢造半畝求一寓目竟不可得今轉爲君所獲墨緣書福忻慕無涯然余暮年海外覲茲瑰寶亦私幸夙緣之不淺矣卷中有舊題識數語爲廿年前游秣陵時觀於國齋衙中所書不意今日竟爲恭仁山莊鎮庫之寶此亦寶華盒置酒高會展翫摩挲時所不及料者也題名卷尾輟筆爲之憮然

史記集解五十八卷

北宋刊本半葉十四行每行二十五六七八字不等白口左右雙闕注小字雙行三十三至三十五字版心下方偶記刊工姓名貞字不缺筆是仁宗以前刊本存卷列目如左

世家一至九 十四至十九 列傳二十一至四十一 四十九至七十都得五十八卷

憶十年前湖南博士游燕京訪余於太平湖舊邸盤桓竟日出藏書相示君見北宋本史記驚歎不置謂海內遷史舊刻殆無先於此者余所得紹興本遠不逮也今來洛都特訪君於恭仁山莊因捧此帙相與賞翫其結體方嚴雕工樸厚確爲景祐所刊與敝藏本適如驂之靳余昔年見端硯齋藏百衲本史記爲劉燕庭故物其中十三行本正是此刻存者凡六十八卷而與君不複者得二十九卷合之已三分有二矣精誠所惑異寶來歸余既喜君得償夙願且賀寶馬盒印之預爲佳識也

君舊刻寶馬盒小印爲紹興本作也及見余北宋本謂此印獨不可以傲君乃不及十年竟獲此帙朱中奉本

將降而居
乙噫異矣

大字史記集解一百三十卷

宋紹興刊本中版式半葉十二行每行二十二字注同卷三十三以後半葉十三行每行二十五六字不等卷二十八內間有半葉十四行者每行二十七八九字不等注雙行三十六七字白口左右雙闌序文八行行十五字目錄後牌子三行如下式

邵武東鄉朱中奉宅

刊行校勘即無訛舛 牌子上加黑蓋子

紹興庚申八月朔記

每葉鈐蘭陵家藏書籍朱文印爲日本飛鳥井伯爵舊物

按此書前後行款不同或有因此致疑者然以余所見宋刊監本纂圖重言重意互注禮記十行十八字卷十五以後則爲每行十九字又見元刊互注全文春秋括例始末左傳句讀直解半葉十二行二十一至二十四字卷三以後有十三行十四行不等并有縮至十一行者皆是同時一手所刻宋元本多如此不足怪也

毛詩正義三十三卷

宋紹興刊本半葉十五行每行二十四五六字不等白口左右雙闌版心下方記刊上姓名每卷尾數記字數儀禮正義惟尾卷記字尾葉有書勘都勘詳勘再校各官銜名二十行次淳化三年壬辰四月進書官銜名李沆等四人十一行又空五行列紹興九年九月十五日紹興府雕造下接連有校對雕造官銜名四行缺卷第一至第七

按此書不見於訪古訪書二志惟古文舊書考載之避諱至完字止版式高七寸七分寬五寸三分有金澤文庫香山常住等印原獲于周防古剎旋歸井上伯爵最後歸竹添光鴻展轉入恭仁山莊文庫神物護持竟得

其所世間孤帙流傳有緒至可寶也聞君方籌議印行之策以繼尙書之後其成旦晚可俟余因語君宋本單疏如儀禮四十五卷汪闡源所藏禮記四卷在狩野博士公羊九卷藏蔣孟周易十四卷藏北京徐爾雅十卷靜嘉堂藏一部蔣孟頫今不知何在皆見存于世倘蒼萃群經得有力者精印流傳足慰海內外學人之望區區微願何日能償聊志于此以當息壤

說文解字六卷

宋刊殘本半葉十行十七至二十字不等注雙行二十六至二十九字白口雙闌版心上記字數下記人名存卷如左

卷二上下 卷五上下 卷六上下 卷十三上下 卷十四上下 卷十五上下

按此與詁宋樓藏本同德化李椒微師亦藏有半部未知與此能配合否

劉向說苑二十卷

明永樂刊本半葉十三行每行二十四字黑口四周雙闌書名大字占雙行目錄牌子如左

永樂丙申孟春

西園精舍新刊

余昔年爲李椒微師收得洪武本其行款正與此同必同出一源也

玉川先生詩集不分卷

高麗舊刊本半葉十行每行十七字全集凡七十六題卷尾有刻書人銜名如左式

大德五年辛丑三月 日東京官開板

別色前權知戶長鄭天呂

校正麗澤齋生朴英工

監

副留守兼勸農使管局學事朝顯大夫版圖總郎金祐

歷代帝王編年互見之圖一卷

題繁臺馬仲虎編有自序一首起三皇訖皇宋理宗有乾道三年贊皇李 跋半葉八行每行十六字細注四十三字後有永和第二丙辰重刊於洛之大用菴記次寬永己巳洛下謙菴道慶跋次寬永己巳朝鮮李眞榮跋按經籍訪古志所載與此正同此書吾國久未見傳本故特記之

毛大將軍海上情形一卷

鈔本卷末有天啟癸亥天都汪汝淳題跋封面題由庚堂梓據云自內府鈔出者

使職文獻通編正編十卷外編十二卷

明行人司行人嘉禾嚴從簡輯正編分職原禮式公署受員貯書睿命使範人物文藝緒論爲十類外編分東夷三南蠻三西戎三北狄三爲十二類有嘉靖乙丑從簡自序蓋刊於是時也

潰癰流毒四冊

鈔本皆鴉片案奏稿也

夷氛聞記五冊

同治十二年鈔本有鄒誠夢蘭序

夷匪犯境聞見錄六卷

日本安政丁巳刊本亦紀鴉片案也

滿清紀事一卷

日本活字本

阿芙蓉案彙聞七冊

日本舊鈔本前有弘治丁未關陰潛夫題記

嘆咭喇紀略一卷

日本嘉禾六年采蘭書屋藏板原書爲道光辛丑陳逢衡著

右各書皆客座所觀者故略誌其大要旋導入書庫中恣意披尋迫暮乃出舊鈔古刻目不暇給其中於明季清初史事有關諸書尤多秘本惜晷短未及撮記姑志於此以俟他日

狩野直喜博士家藏書

搜神秘覽三卷

宋刊本半葉十行每行二十字前有京兆章炳文叔虎自序目錄後有臨安府太廟前尹家書籍鋪刊行一行按此書吾國久未登著錄昔年同年董綬金曾傳鈔一帙以歸余亦得錄副焉今幸獲觀祖本開版工整而具疏爽之氣是棚本之佳者

後漢書一百卷

元大德刊本十行二十二字黑口四周雙闌版心上記字數下記刊工姓名印本殊清朗聞有前漢書未及見

東洋文庫石田幹之助

文選六十卷

宋明州刊本半葉十行每行二十三字注雙行三十字白口左右雙闌板式高七寸二分寬五寸二分板心中縫下方記刊工姓重刊者記某某重刊或重刁末有紹興二十八年明州司參軍兼監盧欽跋此帙與圖書寮藏本同惟竟體完整無鈔補之卷爲足珍耳

類編秘府圖書畫一元龜十八卷

宋刊本半葉十五行每行二十五字黑口雙闌存甲部卷七至十三乙部二十一至三十一

按乙部與圖書寮殘本同甲部寫刻工緻左闌外有耳是別一刻也

樂善錄十卷

宋刊本半葉九行每行十八字白口左右雙闌板心下記刊工人名一字前有隆興二年陳郡胡晉臣跋淳熙二年李石題詩後有紹定二年郡人趙汝謐跋跋文視本書低三格云寶章汪公出此編以鋟梓云

歷代地理指掌圖不分卷

宋刊本前有蘇軾序前人謂是託名者半葉十八行每行二十八字後有總論半葉十七行每行三十字白口左右雙

闌版心上記字數總論後有牌子一行文曰西川成都府市西俞家印

按此本版式闊大殆高九寸餘曾在廠市文友堂見一帙正與此同明代有翻刊本

宗門統要錄十卷

宋刊本半葉十行每行二十字白口雙闌題建谿沙門釋宗永集前有紹興五年鄭謨序

此書寫刻工整印本亦精

內野五郎三家藏書

宛陵先生文集三十卷

宋刊本存卷十三至十八卷三十七至六十共三十卷半葉十行每行十九字白口左右雙闌版心上方記字數下記刊工姓名每卷目錄接連正文末葉記重脩歲月銜名具如下式凡十一行
重修宛陵先生文集

自嘉定十六年端午修校

至十七年正月上元日訖事

司書王 安國監修

掌計殷 質

學諭賁 士虎監修

學諭王 應龍監修

直學盛 志剛

學錄賁 約之

學正戚 夢官

文林郎充寧國府府學教授劉寅

按此本乃紹興時刻而嘉定時重修者如卷三十七內第四葉版心下方有嘉定改元換五字可證也其字體及刀法頗與青山集相類刊工有顏友亨金大受唐思恭王忼劉青侯琦潘暉張成陳革金言唐彥劉中唐彬